

## **Drámahárjehusat mánáide**

Dá muhtin ovdamearkkat das, maid beaivedivšsu- ja skuvllaahkásaš mánáiguin sáhttá duhkoraddat. Hárjehusat oahpahit vuosttažettiin guldalan- ja vuorrováikkahuhusdáidduid. Čuovvovaš hárjehusat doibmet ollisvuohtan dahje daid sáhttá geavahit oktoge.

## **Drámasoahpamuš**

Ovdal duhkoraddama álggu lea buorre čohkkedit rieggái ja dahkat drámasoahpamuša. Drámasoahpamušain sohppojuvvoyit oktasaš njuolggadusat ja ná geahčaluvvo ráhkadir dorvvolašvuoda dovdu mánáide. Jodíheaddji galgá muiatalit maid čuovvovažžan lea dárkuhus bargat, leatgo bottut jna. Lea maiddái buorre soahpat das oažžugo telefovnnaid geavahit duhkoraddama áigge ovdamearkka dihte govjemii. Galgá maiddái soahpat, ahte jus gii nu ii hálit oassálastit, de dalle galgá mannat seaidnegurri ja čuovvut doppe. Loahpas soahpamuš dohkehevvo ja dalle sáhttá álggahit. Álot drámasoahpamuša ii dárbbas ráhkadir, ovdamearkka dalle, jus jodíheaddji lea oahpaheaddji ja duhkoraddama áigge leat seamma njuolggadusat go oahppodiimmuin.

## **Virkuivuođadássi**

Joavku čuožžu rieggás. Juohkehaš galgá čájehit gorudiinnis seammá áigge, man virkui son lea. Jus lea duođai virkui, galgá čuožžilit juolgesuorpmaid ala ja fanahit giedaid gáhtu guvlui. Jus lea váiban, de galgá njiedjat áibbas láhtterádjái. Virkuivuođadássi sáhttá leat maiddái mii nu daid gaskkas. Iežas návccaid sáhttá čájehit maiddái gorudiin ja ámadeajuin, giedäiguin jna. Jodíheaddji čájeha ovdamearkka. Jodíheaddjái sáhttá leat ávkkálaš oaidnit, mii lea mánáid virkuivuođa dássi ovdal duhkoraddama, ovdamearkka dihte dárbbasago álgui virkkosmahti vai ráfáidahtti stohkosa.

## **Iđit**

Jodíheaddji čáskada čuovggaid ja buohkat velledit láhttái mahkáš nohkkat. Duhkoraddojuvvo ahte lea fas iđit. Juohkehaš ovdanbuktá oktanaga pantomimain iežas iđitdoaimmaid dahje jodíheaddji sáhttá čilget maid iđitdoaimmaid galgá bargat (ovdamearkka dihte tiibma čuodjá, vanahallan, iđitbihtá borran, bániid bassan, gárvodeapmi ja stohpouvssa gidden). Oažžu jienádit, muhto ii oaččo hállat amas stohkosis boahtit moivvás. Dalle buohkat mannet ohpit nohkkat. Seamma iđitruitiinnat dahkojuvvoyit ođđasit eará láhkai, ovdamearkka dihte.

- uhcit dego hálđi
- stuorrát dego jiehtanas
- johtilit dego sáhppán
- dánsumin dego gufihtar nieida.

Dát hárjehus virkkosmahttá ja oahpaha konsentreret. Loahpas sáhttá ságastallat das, mii lei suohtasamos vuohki lihkkat. Duhkoraddama sáhttá heivehit earáge áššiide go iđitdoaimmaide.

## Náhpi doalvu

Báikkis johttojuvvo nu, ahte mii nu gorutosiid stivre/jođiha lihkastagaid. Gii beare sáhttá čurvet mii gorutosiid stivre, ovdamearkka dihte “gurot beallji jođiha” ja dalle buohkat addet gurot bealli stivret lihkastagaid. Molssaevttolaččat jođiheaddji sáhttá čuorvut ain mii gorutosiid stivre. Hárjehusa duogábealde sáhttá geavahit maid musihka, muhto dárkkuhus ii leat “dánsut čábbát”. Dat hárjehus lea virkkosmahttit, muhto gáibida maiddái vuodjuma. Mánna oahppá rumašlahtuid ja dovdat olgeš ja gurot beliid.

## Ivdneduhkoraddan

Jođiheaddji rávve ovdamearkka dihte “olgeš juolgi ruonái”, dalle juohkehaš ohcá maid nu ruoná, man galgá guoskat olgeš julggiin. Go buohkat leat orustan, jođiheaddji dárkkista manaigo riekta. Dalle stivrejeaddji addá čuovvovaš rávvaga omd. “gállu vielgadii”. Boarrásut mánáiguin sáhttá molsut nu, ahte válđá loguid/nummariid fárrui “njeallje bealaggi fiskadii, guokte gáibbi alihii ja golbma čoavjji rátnásii”, dalle mánát galggašedje ságastalakeahttá hábmet joavkkuid. Duogázii sáhttá bidjet musihka čuodjat, dalle buohkat ožzot lihkadir friija musihka čuojadettiin ja ain go musihkka boatkan, jođiheaddji addá rávvagiid. Mánát ohpet earuhit olgeš ja gurot beali, rumašosiid ja ivnniid.

## Jus don leat, de mun lean

Sáhttá ollašuhttit vaikko rieggás nu, ahte vuostamuš manná gasku ja dadjá ovdamearkka dihte “Mun lean boazu” ja báhcá báikásis boazun. Čuovvovaš (sáhttá ovdánit rieggás vuoruid mielde dahje juo friija ortnegis) manná bohcco lusa ja dadjá ovdamearkka dihte “Jus don leat boazu, de mun lean boazobean”. Ná ovdánit dassá go buohkat leat seamma “govas”. Gova sáhttá burgit nu, ahte vuostamužžan gasku mannan oažžu vuolgit vuosttasín eret, dalle nubbi mannan ja nu ain ovddasguvlui dassá go buohkat leat fas rieggás. Oktasaš “govvii” sáhttá ovdamearkka dihte bidjet jiena ala, dalle juohkehaš sáhttá luoitit muhtin jiena. Gova sáhttá maiddái “rávkat eallit” ja geahččat, mii dáhpáhuvvá. Dan duhkoraddamis hárjehallojuvvo improviserendáidduid ja ovtas bargama.

## Speajal bárralagaid

Bárat čuožžuba vuostálágaid. Sohppojuvvo goabbá lea A ja goabbá B Ráfalaš musihka čuojadettiin A álgá lihkadir hiđis lihkastagain, man B ádestallá speajalgovvan. Lea dehálaš lihkadir doarvái hihtásit vai speajalgovva bissu fárus lihkastagain. Ulbmilin leat seamma áigásáš lihkastagat. Heivvolaš sajis molsojuvvo nu ahte B stivre lihkastagaid ja A lea speajalgovva. Dat lea oalle ráfáidahti hárjehus, mii gáibida guldaleami ja konsentrerema. Heive burest vaikko muossánanhárjehussan.

Man beare duhkoraddamis sáhttá ráhkadir “sápmelaš veršuvnna”, go geavaha vehá miellagovahusa.

Čálli: Heli Huovinen, teáhterolggosbuktima bagadalli  
Davvisámegillii heivehan: Maiju Saijets